

藏經書院版

卍
續藏經

第 9 冊

中國撰述

大小乘釋經部

新文豐出版公司發行

南無本師釋迦牟尼佛



卍續藏經

新文豐出版公司影印卍續藏經會編印

第九冊 支那撰述 大小乘釋經部

華嚴經疏演義鈔八十卷之內自七至二十六卷……………唐澄觀撰述……………0001

大方廣佛華嚴經疏演義鈔卷第七

于闐國三藏沙門實叉難陀 譯

清涼山大華嚴寺沙門澄觀撰述

▲普賢三昧品第三

疏將釋此品四門同前初來意者前衆既集光示法主今將說法是故法主入定受加爲近方便故次來也▲疏二釋名者普賢明說法主以說普法故三昧是業用以非證不宣故此則人法合舉▲疏普賢之三昧亦此三昧是普賢所有又三昧境界名爲普賢一切如來藏身爲普賢故此則普賢卽三昧揀餘定也▲疏若準梵本普賢三昧威德神變品威德神變皆定之用攝用從體但云三昧也●鈔二釋名疏文有二初正釋二解妨前中有三釋第一釋普賢是人第二釋普賢是法第三依梵本義通人法▲疏縱佛加光讚皆因定故●鈔縱佛加下二解妨難總有二難一義廣名局難難云文中具有佛加光讚何以偏名三昧釋意可知▲疏餘會入定受加起定卽說同爲一品●鈔餘

會下通第二違例開品難難云諸會之中皆入定等在於本品今何開耶故疏牒此以答答文有二一釋餘不開所由▲疏今此開者文多義廣勸修學故言義廣者建立普賢之行願故故此比餘麤相而說四同六異言四同者入住加出言六異者一數異餘會入起唯一此會入起俱多故二者類異類餘方故三利益異定起多人益故四光讚異如來毛孔光明讚故五衆請異從定起已待衆請故六證相異餘會經終方有證相此品益已卽便地動雨雲等故●鈔二今此開下釋今開所以而文有四一正答前問▲疏四五二種十地雖有而不具六今此具六故別立品●鈔二四五二種下展轉生難云光讚衆請十地亦有何名六異彼何不開今此別開答意可知▲疏以此說果餘皆因故又爲諸會本故總故●鈔三以此說果下出廣所由▲疏七八九會雖是果定說通因果又非總故●鈔四七八下通躡跡難難云若說果法別立此品七八九會亦說果法何不立耶答意云彼唯

有一而無有二義故▲疏三宗趣者入法界定法界佛加爲宗令法界衆成法界德爲趣望於後品亦說世界海爲趣

爾時普賢菩薩摩訶薩於如來前坐蓮華藏師子之座承佛神力入于三昧

疏四釋文者文有六分一三昧分二加持分三起定分四作證分五毛光讚德分六大衆偈請分初中有二一明此界入定二類通十方就初分三一承力入定二彰定名字三明定體用今初有六一時說偈竟時二主顯佛普德唯普賢故三處依如來者常對佛故四所依座大集云菩薩得蓮華陀羅尼故說法處皆有蓮華表所入三昧自性無染含果法故五所依因謂所入深廣要承力故六正入三昧心境冥故

▲此三昧名一切諸佛毗盧遮那如來藏身

疏二此三昧下彰定名字毗盧遮那前已廣釋●

鈔二此三昧下彰定名字疏文有三一解文二彰入所以三叙普異同今初先指前▲疏復有釋言

廣大生息具此三義名如來藏身身即體也依也此有二種一者修成二者本性本性者凡聖俱成修成者唯諸佛有●鈔後復有釋下二正釋文有二釋一約廣大生息釋二約光明遍照釋前中先總後別今毗者廣大也盧遮生也那者息也即安國意▲疏諸佛有者慈悲無邊故名爲廣智慧無上故稱爲大生相已盡故云生息涅槃云離有常住故名如來萬德含攝是謂藏身即是出纏之法身也●鈔諸佛下二廣釋也初釋修成三義即是三德謂恩智斷言生相盡者即起信意彼有三細謂業轉現總名生相在賴耶識今言盡者論云菩薩地盡覺心初起心無初相以遠離微細念故得見心性心即常住名究竟覺釋曰遠離細念即生相盡也故次引涅槃離有常住釋如來義即第四經離有即生息也常住之義同上起信▲疏言本性者謂即藏識包含種子建立趣生故名爲廣本覺現量與佛等故名之爲大新新生故名之爲生染淨苦樂所不能動故名爲息●鈔言本性下釋

本性言本覺現量者本覺卽是所證本性惟眞現量方能證故與佛等者起信論云所言覺義者謂心體離念離念相者等虚空界無所不徧卽是如來平等法身說名本覺故以等佛而釋大也言新新生者釋生息義雖別明二字意取卽生而息上約本淨今約隨染言染淨苦樂所不能動者上約隨緣此明不變又上約生滅此約眞如故約生滅隨緣常生約眞如不變常息○疏卽上法身在纏名藏謂空不空空爲能藏藏不空故●鈔卽上法身下別釋藏字兼釋如來非報身也謂空不空標二藏名起信論云復次眞如依言說分別有二種義一者如實空以能究竟顯實故二者如實不空以有自體具足無漏性功德故釋曰上卽雙標空爲能藏者卽次論意論云所言空者從本已來一切染法不相應故謂離一切法差別之相以無虛妄心念故當知眞如自性非有相非無相非非有相非非無相非有無俱相非一相非異相非非一相非非異相非一異俱相乃至總說一切衆生以

有妄心念念分別皆不相應故說爲空若離妄心實無可空故所言不空者以顯法體空無妄故卽是眞心常恒不變清淨滿足則名不空亦無有相可取以離念境界唯證相應故釋曰上引論文卽雙釋二藏而疏引意釋於空藏不空意猶難見此有二意一者據論標中本意自性清淨心不與妄合則名爲空性具萬德卽名不空及至釋文乃云若離妄心實無可空則顯空藏因妄而顯而不空藏要由翻染方顯不空故云以顯法體空無妄故卽是眞心等如本有檀德今爲慳貪本有尸德今隨五欲本有忍德今爲嗔恚本有進德今爲懈怠本有寂定今爲亂想本有大智今爲愚痴藏於慧是故論云以知法性無慳貪故隨順修行檀波羅蜜等萬行例然故下論釋本有眞實識知義云若心有動非眞識知明妄心之動藏其眞知是以卽妄之空藏不空之萬德故經云知妄本自眞見佛則清淨故上論云以能究竟顯實故名爲空故知空藏能藏不空能藏既空則顯不空之藏本來具

矣二者自性心上無妄爲空隨所無者卽不空德如空無怪悖卽顯有檀空無妄動顯有性空故是空藏藏不空也▲疏若以光明徧照解毗盧遮那毗盧遮那卽是能觀大智如來藏身卽所觀深理凡雖理有佛智方照●鈔若以光明下二約光明徧照釋曲有二意一以毗盧遮那爲能證卽是修成如來藏身以爲本有是故結云凡雖本有佛智方證▲疏又毗盧遮那亦通本有本有眞實識知徧照法界義故斯卽本覺迷而不知不得其用唯佛覺此能無不爲故云一切諸佛揀非凡也亦非因也●鈔二又毗盧下以毗盧遮那亦爲所證則以如來而爲能證本有眞實識知義者卽是起信生滅相大中文論云若心起見則有不見之相以心性離見卽是徧照法界義故若心有動非眞實識知意云若無動念卽眞識知既云卽是徧照則毗盧遮那亦本有矣▲疏顯於依正離如來藏無別自體故入此也●鈔顯於依正下第二彰入所以可知▲疏賢首釋云諸佛徧於一切卽顯諸佛

無不周徧法界剎海及彼塵中所有諸剎諸剎塵中復有諸剎如是重重不可窮盡言如來藏身者明卽此徧剎之身包容所徧法界剎海無不皆在如來身中故名藏身是故融通總有四句一身徧剎海二剎在身中三身徧身內剎四剎入徧剎身卽內卽外依正混融無礙無障是此三昧所作故以爲名將說此法故入茲定●鈔賢首云下三叙昔異同意以身包剎海塵容法身得藏身名但是下文用中一義攝義不周不爲正釋順經宗意故存而不論

▲普入一切佛平等性能於法界示衆影像疏三普入下明體相用此是定相無量無邊皆悉依於如來藏說略舉其要句有十三門乃有十以後二門收五句故攝爲六對後之二門各一對故文有四節義唯有三至下當明●鈔普入下明體相用文有三初總科二言六對下隨文別釋三言四節者結稱讚▲疏言六對者初二句明體用一對謂無分別智證平等性以爲定體影現法界爲

勝用也。●鈔初二句下釋初對中先雙標謂以因性下雙釋先釋正入一切佛平等性。▲疏謂以因因性證彼因性成彼果性顯果果性。●鈔因因等者卽涅槃二十七師子吼菩薩品云佛性有因有因因有果有果果因者十二因緣因因者卽是智慧發心已去果者卽阿耨多羅三藐三菩提果果者無上大涅槃經疏文意因因卽觀緣之智通發心已去因卽所證之理能證至果爲大菩提所證至果爲大涅槃前二是因後二皆果而有重因重果言者謂十二因緣是正因性雖有此性若無觀智不能成果今由觀智令彼成果卽與因作因故名因因菩提對前已名爲果而大涅槃由菩提顯故此涅槃卽是菩提果家之果故彼經喻云如無明爲因諸行爲果行緣識果則無明亦因亦因因識亦果亦果果舉此無明爲因因則在行前行如十二因緣無明如觀智則觀智在於十二因緣前而遠公云十二因緣近起觀智遠爲涅槃正因故名爲因方依前因以起觀智依因起因故名因

因因性三或有佛性二人俱有卽因性中通十二緣亦非因非果之性四或有佛性二人俱無卽彼果性及果果性對前兩重四句可以意得十二因緣名佛性者一當體淨故是法身性二能知名義成反流故名報身性又前滅後生非斷非常顯中道故初四句後經云善男子以是義故十二因緣不生不滅不常不斷非一非二不來不去非因非果又三雜染卽三德故翻煩惱雜染以成般若翻業雜染以成解脫翻苦雜染以成法身當相卽是性淨三德觀之則是觀行三德證之則成圓滿三德又初因性卽染淨緣起二因因性卽內熏發心三果性卽始覺已圓四果果性卽本覺已顯又初隨染隱顯二微起淨用三染盡淨圓四還源顯實又初與四俱是理性但染淨分二二之與三俱是行性但因果有殊又初染而非淨二淨而非染三亦淨亦染四非染非淨又初自性佛性二是引出佛性三四皆是至得果性又初二因中理智後二果中理智因果雖異理智不殊理智似分冥契

無二唯一心轉絕相離言無不包融故名佛性卽此名爲佛性契合門也○疏如是佛性則具七義一眞二實三善四常五樂六我七者清淨生佛之性本末不殊況佛果果豈不平等●鈔如是佛性卽卽涅槃三十五經云善男子如來十力四無所畏乃至如是等法是佛佛性如是佛性則有七事一常二樂三我四淨五眞六實七善今但義引故小不次澤州云四不遷名常六自在名我五安隱名樂七無漏名淨一離妄是眞二不空彰實三體順成善後明菩薩性有六種於前七中略無我樂加一少分見以其未得八自在我故無我德未得大涅槃無眞實樂德未見自身佛性故加少分見生佛之性下釋平等義○疏佛平等性卽如來藏是故但入如來藏身卽是已入佛平等性●鈔言佛平等性卽如來藏下會別歸總○疏此爲第一契合佛性門也●鈔此爲第一下結十門之一○疏言勝用者卽是衆影像門謂能現能生身土智也●鈔言勝用下卽釋經能於法界示衆影像是

第二門謂能現能生者卽唯識論釋大圓鏡智之文謂三身三土三智之影皆是鏡智之所現故如前已引

▲廣大無礙同於虛空法界海旋靡不隨入

疏次二深廣一對廣者無邊不在內外故大者無上究竟實際故無礙者無所障故同於虛空成上三義通爲廣大無礙門後句卽入法旋濶門旋卽深也

▲出生一切諸三昧法普能包納十方法界

疏三有二句出納一對初出生三昧門謂若自相若共相等一切三昧皆從此生此爲諸定本故●鈔謂若自相等者謂觀色等六塵入正定者名爲自相若觀無常空等入定則名共相並皆不離如來藏性性卽眞如故起信云眞如三昧是諸三昧之根本上釋出生一切諸三昧法○疏後攝受法界門終歸此故法界體性故●鈔後攝受下卽釋普能包納十方法界終歸此者約事法界體性約理法界

▲三世諸佛智光明海皆從此生十方所有諸安立海悉能示現

疏四有二句境智一對初句能成佛智門謂不體此理非佛智故●鈔四有二句初句卽三世諸佛智光明海皆從此生謂不體此理下體謂體達若能證入藏身之性卽名佛智正用起信始覺同本名究竟覺故生公立體理成照義云理不待照而自了智必資理而成照故知理無廢興弘之由人智雖人用不在人出矣故人有照分功由理發失理則失照故要見此理方成佛耳○疏後示現諸境門然安立言總有三種一者世界安立依報二者聖教安立妙義三者觀智安立諦相皆法界藏顯示現前●鈔後句示現者釋經十方所有諸安立海悉能示現上攝受法界卽言終歸此故今此卽言此能現者文影略耳皆自此生皆歸於此故知萬物依地而生終歸於地

▲含藏一切佛力解脫諸菩薩智能令一切國土微塵普能容受無邊法界

疏五有二句卽依正含容門爲內外含容對謂內含因果智力●鈔五有二句卽依正含容門二句共成一門一門便成一對內含因果智力釋經含藏一切佛力解脫諸菩薩智○疏外令塵容法界由塵全依法界藏現同眞性故●鈔外令塵下釋經能令一切國土微塵悉能容受無邊法界釋云由塵全依法界藏現卽是事塵頓變萬境故言同眞性者約理法界

▲成就一切佛功德海顯示如來諸大願海一切諸佛所有法輪流通護持使無斷絕

疏六有三句卽成就攝持門爲成持人法對謂初成果人功德大願●鈔六有三句成一門一門分二一對前二句成人卽經云成就一切佛功德海二顯示如來諸大願海是故疏云初成果人功德大願卽二句也○疏後持法輪令不斷絕●鈔後持法輪卽是持法釋經一切諸佛所有法輪流通護持使無斷絕○疏由斯立理法眼常全故●鈔由斯立理下法眼常全無缺減卽第十四經由眞

理湛然故悟亦冥符理既無虧法眼常全矣▲疏上言四節者初四句明無幽不入釋上毗盧遮那徧照之義次四句無德不生釋上一切諸佛之義次二句內外含容釋上藏義後三句成德持法釋上身義●鈔上言四節下第三結示稱讚言次四句者卽出生一切下言二句者卽含藏下言後三句者卽成一切下及下三義皆是結束此三圓融稱讚也▲疏言義唯有三者入平等性是定體也廣大同空是定相也餘皆定用此三圓融總爲無礙普賢三昧

▲如此世界中普賢菩薩於世尊前入此三昧疏二如此下類通十方及諸塵道於中有二初舉此

▲如是盡法界虚空界十方三世微細無礙廣大光明佛眼所見佛力能到佛身所現一切國土

疏後如是下類彼於中分二初明平徧法界後明重疊無盡前中十一句初一總明謂盡窮法界後十別指以彰曲盡一盡虚空界二於空中盡十方

處三於十方中徧三世時四於三世中微細物處謂毛端等五凡諸小隙無礙之處六或廣大百千由旬等處七人天日月光明等處八盡佛眼見處九盡神力到處十佛身能現之處此第十句有二義一者結上國土之言通十一段二者成下以是身內之利爲微細故●鈔第十句有二義者昔人唯有後義則是佛身中塵有諸佛刹遂令普賢不徧如來身外刹也

▲及此國土所有微塵一一塵中有世界海微塵數佛刹一一刹中有世界海微塵數諸佛一一佛前有世界海微塵數普賢菩薩皆亦入此一切諸佛毗盧遮那如來藏身三昧

疏二及此下重疊徧中略有四重一盡法界塵言及此國土者指前十處之國也二塵中多刹三刹中多佛四一一佛前有多普賢●鈔此國指前十處之國者即前第十句中初義謂及盡法界國土中盡虛空國土盡三世國土等其第十義身中國土以文近故疏不指▲疏於上諸處皆入此定故

普賢身不分普徧麤細深廣平滿重疊●鈔於上諸處下總結能遍上之四重但所遍故於中三初正結遍身▲疏此處入定類通既然法界入定類通亦爾●鈔二此處下類通▲疏故約主定佛前唯一普賢一切一故若就類通佛前各有塵數一切故●鈔三故約主定下解妨謂難云別明入定佛前唯一普賢今此結通何以一一佛前各有多耶疏含二義一約主伴二明即入初主伴中謂爲主須一爲伴必多難云此中普賢應不爲伴應答云若爲伴時亦得有多二者即由上義故此一是即多之一故疏云一切之一故彼類通中多是全一之多故疏云一切故前是舉一結多此是即一即多前是通辨緣起相由今明力用交徹一有一切等故普賢身不可思議略有三類一隨類身隨人天等見不同故二漸勝身乘六牙象等相莊嚴故三窮盡法界身帝網重重無有盡故今當第三含有前二所由有三等

▲爾時一一普賢菩薩皆有十方一切諸佛而現其

前

疏第二爾時一一下加分有三初口加次意加後身加初中有四一諸佛現身以此口加後無結通故此總舉重重時處一一普賢前也

▲彼諸如來同聲讚言善哉善哉善男子汝能入此一切諸佛毗盧遮那如來藏身菩薩三昧

疏二彼諸下讚其得定此雖果定菩薩門入故云菩薩三昧

▲佛子此是十方一切諸佛共加於汝以毗盧遮那如來本願力故亦以汝修一切諸佛行願力故

疏三佛子下明得定所由所由有三一伴佛同加佛佛道同故二主佛本願此二爲緣三自修行願是入定因●鈔得定所由下疏文有三初當句釋

▲疏又上三義前前由於後後●鈔二又上三義下展轉釋謂由自有行願方得主佛願加由主佛願方得伴佛同加故云前前由於後後▲疏餘豈無斯行耶法門主故表說普法故●鈔三餘豈無下通難難言一切菩薩皆修行願何故不加法門

主下疏答答中二意一約教相二表說下約表法說如金剛藏表地智等

▲所謂能轉一切佛法輪故開顯一切如來智慧海故普照十方諸安立海悉無餘故令一切衆生淨治難染得清淨故普攝一切諸大國土無所著故深入一切諸佛境界無障礙故普示一切佛功德故能入一切諸法實相增智慧故觀察一切諸法門故了知一切衆生根故能持一切諸佛如來教文海故

疏四所謂下辨加所爲此文二勢一辨加所爲二顯上行願之相故云所爲也所爲謂何爲轉法輪故有十一句初總餘別▲別中初一總攝十智餘九卽是十海一卽安立海二卽衆生及業海三卽世界海四卽佛海五卽名號壽量及解脫海變化大用皆功德故六卽波羅蜜海到實相岸故七卽轉法輪海八卽根海九卽演說海與下十智令知此十●鈔餘九卽是十海者就十海名二處具出影帶鈎鎖文該五處言二處者一現相品衆海問中十海二成就品初標章答中十海然文小異開合

不次問中十者一世界海二衆生海三長行闕中
卽有謂世界安立海四諸佛海五波羅蜜海六解
脫海七變化海八佛演說海九佛名號海十佛壽
量海二成就品初答中十者世界海衆生海一切
諸佛海一切法界海一切衆生業海一切根欲海
一切佛轉法輪海一切三世海一切如來願力海
一切如來神變海若將此十對現相品者此中一
二名次俱同三卽問中第四四卽彼三五六帶第
二衆生海中開出亦可第六根海通下諸海須知
根故至成就品當更會之七是前第八演說及第
五波羅蜜海是所演故八卽第六解脫九卽前九
十二海謂名號壽量皆由願力而得成故十卽前
化上言此者此成就品言文該五處者二處如前
三卽此所爲中是爲十海故四者卽下意加與智
卽十海智故五世界成就品答中稱歎十智卽是
知此十海之智正是此中諸佛所與十智也此上
五處三處是海二處是智其所爲中雖無海言而
是海義然其五處決定相承謂由問十海故加所

必知鈔作智

爲中爲於十海佛與十智令知十海普賢得智將
欲說之故觀察十海知海難思唯佛智能知故稱
讚十智亦是讚所得之智方能遂佛所爲答前問
也而其五處開合廣略者顯義無方故亦似譯人
不相對會故今疏文並爲會釋使前後無違下成
就品更委會釋今此所爲中十句正對問中十海
有三兩海兼下答名以文同故謂一卽問中第三
安立海二卽問中第二海言業者問中所無卽兼
下名答中開出然有衆生必有於業以此經中有
淨治雜染得清淨言故疏加之及業海也三同問
中第一四同問中第四五中攝前四海謂九名號
海十壽量海六解脫海七變化海以其上四皆佛
隨機之大用故故云一切佛功德也六卽問中第
五其七九二海皆是問中第八答中但有轉法輪
海而無演說問中但有演說而無法輪今此所爲
及與歎智並開成二八亦問中第二衆生開出然
上九句七九合成問中一演說海八復合歸第二
故此九句唯有於七而第五佛功德中獨有其四

兼七中餘六故十海具矣與下十智者上來正釋經文今對後生起如前已說

▲爾時十方一切諸佛即與普賢菩薩摩訶薩能入一切智性力智與入法界無邊量智與成就一切佛境界智與知一切世界海成壞智與知一切衆生界廣大智與住諸佛甚深解脫無差別諸三昧智與入一切菩薩諸根海智與知一切衆生語言海轉法輪詞辯智與普入法界一切世界海身智與得一切佛音聲智

疏二爾時下明意加於中有二先加後釋前中亦二先此土後類通前中與十種智初一總謂與果海之智而言與者佛力灌注令增故一切智性即果海也智性即力無傾動故具十力故末後智字即能入也▲餘九爲別即是成就品中十智由與此智故後能說彼智觀彼十海而文少不次●鈔餘九爲別等者疏文有三一總相會通▲疏一即第三法界安立海智安立無邊量故二即第四佛海佛海唯佛分齊之境三即第一四即第二衆生

業海業因微細故云廣大五合二句一即第八佛神變海解脫作用即是神變神變依定加三昧言二合三世智下文一念知三世由佛不思議解脫力故由加總句故合此二六即第五七即第九八即第七願海以願力故入法界中一切世界九即第十建立演說●鈔一即第三下二別別對釋欲對下智須知十智名字次第彼云諸佛子諸佛世尊知一切世界海成壞清淨智不可思議而知一切衆生業海智不可思議下略不可思議而加次第三知一切法界安立海智四說一切無邊佛海智五入一切欲解根海智六一念普知一切三世智七顯示一切如來無量願海智八示現一切佛神變海智九轉法輪智十建立演說海不可思議經脫智字然疏中易者則但對次第難者已爲會釋並可知也▲疏又菩薩根更有多義修十善道有三善根修諸地度精進爲根攝受正法信慧爲根攝養衆生慈悲爲根爲成佛道悲智爲根種種差別皆善知故●鈔三又菩薩根下隨難重釋

▲如此世界中如來前普賢菩薩蒙諸佛與如是智如是一切世界海及彼世界海一一塵中所有普賢悉亦如是

疏二如此下類通可知

▲何以故證彼三昧法如是故

疏第二何以故下釋所因中二先徵意云諸佛有力能與有慈能普何以十智偏加普賢▲釋云普賢得此三昧法爾應與

▲是時十方諸佛各舒右手摩普賢菩薩頂

疏三是時下身加中亦二初此土後如此下類通前中復二先佛手摩頂明加被攝受又準梵本明十方佛身皆不來此舒臂不必長而同時摩頂各全觸頂互不相礙皆是如來自在業用

▲其手皆以相好莊嚴妙網光舒香流發

疏二其手下辯手相用於中十句以顯無盡前五德相圓備謂臚纖直等故云相好莊嚴●鈔謂臚圓者臚纖之言兼相好案大般若三十二相中第九雙臂修直臚圓如象王鼻斯則臚直是相手

五鈔作二

連臂故纖者三十二中云五世尊手足所有諸指圓滿纖長甚可愛樂言兼好者八十好中手足指爲二十以一指爲一好謂十指端皆圓纖可喜故而云等者即妙網光舒此言顯故三十二中云四世尊手足二指中間猶如鵝王咸有網鞞金色交絡文同綺畫即是相也略舉此五廣如十身相海品

▲復出諸佛種種妙音及以自在神通之事過現未來一切菩薩普賢顯海一切如來清淨法輪及三世佛所有影像皆於中現

疏後復出下五句明妙用自在意明此手亘十方而包三世收因果而該人法深廣體用無邊自在非言能說也●鈔亘十方者一切諸言即橫亘十方也過現未來即三世也菩薩因也諸佛果也上二皆人法輪法也頓具爲深橫該爲廣相好即體出生等用皆悉圓融名無邊自在謂即橫即豎即人即法等

▲如此世界中普賢菩薩爲十方佛所共摩頂如是